

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa članom 54. stav (2) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 14/20) i člana 52. stav (2) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 96. sjednici, održanoj dana 08.03.2021. godine, d o n o s i

## **ZAKLJUČAK**

**o usvajanju Izvještaja o realizaciji Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2020. godini**

### **I.**

Usvaja se Izvještaj o realizaciji Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2020. godini, Ministarstva za poljoprivredu, šumarstvo i vodoprivredu i čini sastavni dio ovog zaključka.

### **II.**

Zaključak stupa na snagu danom donošenja.

**PREMIJER**  
po Odluci predsjedavajućeg Skupštine

*Mirnes Bašić*

Broj: 02- \_\_\_\_\_ /21  
Datum, 08.03.2021. godine  
Zenica

DOSTAVLJENO:

1x Ministarstvo za poljoprivredu, šumarstvo i vodoprivredu,  
1x Ministarstvo finansija,  
1x a/a.

**BOSNA I HERCEGOVINA**  
**Federacija Bosne i Hercegovine**  
**ZENIČKO-DOBOJSKI KANTON**

**MINISTARSTVO ZA POLJOPRIVREDU,  
ŠUMARSTVO I VODOPRIVREDU**



## **IZVJEŠTAJ**

**o realizaciji Programa utroška sredstava od prikupljenih veterinarskih naknada za mjere  
zdravstvene zaštite životinja i veterinarskog javnog zdravstva na području  
Zeničko-dobojskog kantona u 2020. godini**

**Zenica, februar 2021. godine**

## **IZVJEŠTAJ**

### **o realizaciji Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2020. godini**

#### **I PROGRAM MJERA ZDRAVSTVENE ZAŠTITE I VETERINARSKOG JAVNOG ZDRAVSTVA**

Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2020. godini koji je usvojen Zaključkom Vlade Zeničko-dobojskog kantona broj: 02-11-6959/20 od 19.05.2020. godine, u Budžetu Zeničko-dobojskog kantona za 2020. godinu planirana su sredstva u iznosu od 400.000,00 KM.

Sredstva su planirana u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „Subvencije veterinarstvo - namjenska sredstva“.

#### **Programom su predviđene slijedeće aktivnosti:**

1. Veterinarsko-zdravstveni pregled peradi prije klanja na farmama za tov peradi,
2. Sufinansiranje implementacije Programa samokontrole kod SPH
3. Sufinansiranje implementacije HACCP sistema kod SPH
4. Finansiranje troškova eutanazije i neškodljivog uklanjanja oboljelih životinja,
5. Klinički pregled pčelinjaka na Američku gnjiloću,
6. Laboratorijsko ispitivanje pčelinjeg legla na Američku gnjiloću,
7. Dijagnostička ispitivanja životinja i službenih uzoraka po nalogu veterinarskog inspektora,
8. Preventivna vakcinacija domaćih životinja,
9. Finansiranje dijagnostičkih ispitivanja u svrhu utvrđivanje uzroka pobačaja životinja,
10. Realizacija nerealizovanih zahtjeva iz prethodnog perioda i pomoć u posebnim okolnostima.

## II REALIZACIJA PROGRAMA

### 1. Veterinarsko-zdravstveni pregled peradi prije klanja na farmama za tov peradi

Planirana su sredstva u iznosu od 100.000,00 KM za sufinansiranje provođenja veterinarskog zdravstvenog pregleda na svim farmama za tov brojlera na području Zeničko-dobojskog kantona i nadoknada za izdatu grupnu svjedodžbu na farmama za tov brojlera.

Sredstva za navedenu aktivnost utrošena su u iznosu od 29.366,00 KM.

### 2. Sufinansiranje implementacije programa samokontrole

Svim registrovanim subjektima u poslovanju sa hranom (SPH) koji posjeduju veterinarski kontrolni broj sufinasirana je implementacija Programa samokontrola u ukupnom iznosu sredstava od 30.000,00 KM. Na području Zeničko-dobojskog kantona posluje 4 subjekata koji su uspostavili i implementirali programe samokontrola u 2020. godini u odnosu na tehnološke postupke koje provode u objektu. Ovi subjekti su dostavili zahtjeve uz propisanu dokumentaciju te je u ove svrhe utrošen iznos od 4.840,00 KM.

### 3. Sufinansiranje implementacije HACCP sistema kod SPH

Svi registrovani subjekti u poslovanju sa hranom (SPH) koji posjeduju veterinarski kontrolni broj, a koji su uspostavili i implementirali HACCAP sistem u periodu od 2018. do 2020. godine u cilju ostvarivanja visokog stepena higijenske i zdravstvene ispravnosti namirnica životinjskog porijekla, dostavili su Ministarstvu za poljoprivredu, šumarstvo i vodoprivredu Zeničko-dobojskog kantona zahtjeve i ostvarili pravo u iznosu od 12.000,00 KM.

### 4. Finansiranje troškova eutanazije i neškodljivog uklanjanja oboljelih životinja

Sredstva u iznosu od 10.000,00 KM namijenjena su za finansiranje troškova eutanazije i neškodljivog uklanjanja bolesnih životinja koje su oboljele od zaraznih bolesti a koje su opasne po ljudsko zdravlje i koje nanose velike ekonomske štete. Navedene aktivnosti provodene su putem veterinarskih stanica sa područja Zeničko-dobojskog kantona, a iznos od 8.753,00 KM je utrošen za eutanaziju i neškodljivo uklanjanje kako slijedi u tabeli 1.

R/b	Općina/Grad	Broj eutanaziranih grla životinja	Iznos finansiranja (KM)
1.	Tešanj	6 krava i 2 teleta	2.005,00
2.	Kakanj	12 krava, 16 ovaca, 3 pčelinja društva	2.810,00
3.	Zenica	7 krava, 45 ovaca, 1 tele i 1 pas	3.938,00
	<b>UKUPNO:</b>		<b>8.753,00</b>

Tabela 1.

## 5. Klinički pregledi pčela na Američku gnjiloću pčelinjeg legla

Za ispitivanje prisustva zarazne bolesti pčela – Američka gnjiloća pčelinjeg legla planiran je iznos od 60.000,00 KM. Utrošena su sredstva u iznosu od 28.177,00 KM.

## 6. Dijagnostičke pretrage na Američku gnjiloću pčelinjeg legla

Za dijagnostičku pretraga na Američku gnjiloću pčelinjeg legla u cilju otkrivanja i suzbijanja ove zarazne bolesti na području Kantona, od planiranog iznosa od 30.000,00 KM utrošen je iznos od 500,00 KM.

## 7. Dijagnostička ispitivanja životinja i službenih uzoraka po nalogu veterinarskog inspektora

Za ovu aktivnost planirana su sredstva u iznosu od 30.000,00 KM za provođenje službenih kontrola kod sumnje na zaraznu bolest životinja i zdravstvenu ispravnost namirnica životinjskog porijekla (NŽP). Provedena su potrebna dijagnostička ispitivanja u akreditovanim laboratorijama po naredbama veterinarskog inspektora, a od planiranog iznosa utrošeno je 2.531,00 KM.

## 8. Preventivna vakcinacija domaćih životinja

a) Planirana su sredstva u iznosu od 20.000,00 KM za preventivno cijepljenje domaćih životinja protiv Crnog pruća (Antrax).

Sredstva su utrošena po Općinama/Grad i to :

Općina Kakanj.....	5.000,00 KM
Općina Žepče.....	4.760,00 KM
Grad Zenica.....	6.100,00 KM
Grad Visoko.....	5.000,00 KM

---

**UKUPNO : 20.920,00 KM**

b) Planirana su sredstva u iznosu od 20.000,00 KM za preventivno cijepljenje svinja protiv svinjske kuge a ukupno je utrošeno:

Općina Žepče.....	10.750,00 KM
Općina Usora.....	3.580,00 KM
Općina Vareš.....	1.010,00 KM

---

**UKUPNO : 15.340,00 KM**

## 9. Finansiranje dijagnostički ispitivanja u svrhu utvrđivanja uzroka pobačaja životinja

Za ovu aktivnost planirana su sredstva u iznosu od 10.000,00 KM. Sredstva nisu utrošena jer nije bilo zahtjeva za korištenje istih.

## 10. Realizacija nerealizovanih zahtjeva iz prethodnog perioda i pomoć u posebnim okolnostima

Planirani iznos sredstava od 20.000,00 KM, opredijeljen je za nadoknadu dijela štete kod naglih uginuća životinja kod 32 vlasnika sa područja Zeničko-dobojskog kantona u ukupnom iznosu od 14.710,00 KM.

### III REALIZACIJA SREDSTAVA – REKAPITULACIJA

Rb	Planirane aktivnosti	Utrošeni iznos (KM)
1.	Veterinarsko-zdravstveni pregled peradi prije klanja na farmama za tov peradi	29.366,00
2.	Sufinansiranje implementacije programa samokontrole u 2020.	4.840,00
3.	Sufinansiranje implementacije HACCP sistema kod SPH	12.000,00
4.	Finansiranje troškova eutanazije i neškodljivog uklanjanja oboljelih životinja	8.753,00
5.	Klinički pregled pčelinjaka na Američku gnjiloću,	28.177,00
6.	Dijagnostička pretraga na Američku gnjiloću pčelinjeg legla	500,00
7.	Dijagnostička ispitivanja životinja i službenih uzoraka po nalogu veterinarskog inspektora	2.531,00
8.	Preventivna vakcinacija domaćih životinja	36.260,00
9.	Finansiranje dijagnostičkih ispitivanja u svrhu utvrđivanje uzroka pobačaja životinja	0,00
10.	Realizacija nerealizovanih zahtjeva iz prethodnog perioda i pomoć u posebnim okolnostima	14.710,00
	<b>UKUPNO</b>	<b>137.137,00</b>

Programom utroška sredstava Budžeta Zeničko-dobojskog kantona za 2020.godinu, za Subvencije u veterinarstvu - namjenska sredstva, planiran je iznos od 400.000,00 KM, a realizirano je 137.137,00 KM ili 34,28 %.

Obrađivač : dr.vet.med Tabak Ermin

**MINISTAR**

*Mirnes Bašić*